



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一五七

漫與集一卷 梅庚撰

穀韋詩文集不分卷 王穀韋撰

不礙雲山樓稿二十四卷 周綸撰

璧湖草堂文集六卷 璧湖草堂近集四卷 吳世杰撰

柳塘詩集十二卷 吳祖修撰

被園詩集七卷 被園文集一卷 沈爾燝撰

一

二五

七九

二五九

三七三

四六一



泰之爲縣名隸東甌與黔粵交廣風土無異白晝
陰霾昏塞霖潦涉旬月不休虺蜴豺虎之跡交衢
陌郭外五里卽閩境去省會千四百餘里山高湍
急舟車犯險多戒心彼遊觀之美朋儔觴咏之適
經歲無一焉予官於是六年矣所得詩僅如干首
益以京邸武林諸什統名之曰湯與集因杜陵有
老至詩篇渾漫與句也按子美生平嘗謂其語必
驚人迨老至得句不復持擇如向時故自道其蹟
放云爾坊本刻漫興者承譌也予少耽佳句出筆
頗矜慎時同里有施愚山高遺山諸前輩相與劇

漫興集 自序

一

切一詩成稿凡數易已未庚申間在都下辱秀水
竹垞師新城王司寇收爲忘年交共晨夕者則有
鹽官陸冰修蘄春顧赤方毘陵陳其年邵子湘數
子尤暉就予爾時年壯氣盛操管立就故倡酬篇
詠獨多比年翰苑諸詩老舉吟社主其事者爲查
編修悔餘昆仲適予以選人至亟引之入坐月有
會日有課往往歡呼劇飲達旦又一時也今老矣
久處荒遠孤陋之邦屬嬰耒疾才華刊落隤然放
筆有作洵湯與也追憶少壯交遊之盛分曹角藝
鼓吹休明烏可得哉烏可得哉

康熙乙未三月三日聽山居士自叙



漫興集

自序

二

海內於今日讀雪坪夫子之詩已歸然爲鉅人長德指不數屈矣洛何人斯尚容擬贊辭綴諸耆宿後惟是幸廁門牆親承提命又不敢自秘請撮舉邇日之論詩者卽以頌夫子之詩夫子之論詩曰詩者聲也天地間聲不一矣雷震風盪皆觸迫乎其不得已以至鳥鳴春也蟲鳴秋也其自無聲而有聲者各有所以聲穀之故顧今詩人胡獨多假聲也假何能久不春而鳥不秋而蟲失其質矣故必假穀過盡而真聲始出何謂真聲審題是已夫挈瓶甌而供朝廟宴享陋矣彼樵農野飲而亦張

漫興集 吳序

一

錦帶考鼓鐘不綦侈乎宣懽愉於傷離感逝矢悲楚於燕喜驩場哀樂失時不誠無物又奚取焉故發端起意必已確不可易然後審視其氣氣至而動色態各現決不若翦花鏤葉之索然而無有者舍是論詩尊唐卽畔唐尊宋卽畔宋甦人學步倉父學語徒聚訟耳何有乎詩洛唯唯謹受教退而復敢陳一說焉譬諸貧家欸客非不黽勉償治而卒無可下箸及與之遊朱門廣榭則珍饌咄嗟畢備莫不饜飫而去非意有厚薄力之贍不贍耳然則詹詹焉奉一冊而吟誦之而紬繹之冀其聲之

嗜吟激越爲無射鐘爲解谷竹諒不可得今夫子之詩具在恐又當論平管之讀書否夫子笑而頷之曰子所云我不謂不爾也雖然我亦治其標病而已醫必先治其標而本病乃可徐治子今者之論寧獨詩爲然歟洛因讀湯與集竟喜自是識詩文具有根柢且得私自切劘以祈盡遏世俗之假穀也爰濡筆以述所稟承如此蒼溪受業門人吳斯洛謹序

漫興集 吳序

二

漫與集 自己丑冬
至乙未夏

宣城 梅庚 耦長

部牒至戲呈諸同學

季女盈盈賦命微香車晚字亦光輝敢言牧養優
民社且喜空疎謝禮闈據案預愁章服褻放衙但
願諍詞稀一行作吏唯驅使揮手雲山別釣磯

閔邱抄書事

拙宦由來歎積薪半通遲縮未爲屯卽今手板還
方吏多是簪毫散館人經世幾能酬遠志許身未
敢負斯民 聖明正切哀鴻慮湯侈豐亨屢牘陳

漫與集

同年章南湖喜予入都有作依韻奉答

鎖廳鈴索森嚴地舊是吾曹決勝場已分清華非
我事敢矜撫字有微長冠裳漸欲縫時樣桂玉元
難住 帝鄉自笑投鞭曾幾日出門早辦典行裝

東家月川學士

一枝且喜託同鄉家具都難事遠將抽簞亦知無
長物乞隣倘許借餘光茶鐺折腳猶堪煮土銚添
薪臥不妨只有客堂時領客參差相就惱移床

題宋蘭揮芟梁撰杖圖

蘭揮爲家宰漫堂先生季子初
選庶常卽假歸侍養臨行索題

空濛一氣黏天碧菱葉荷花淨如拭水鄉風物宛

漫與集

新夏凜冬直北何由得鴻臚煙墨相爲開 謂爲
尚書 方袍

圓笠尚書來飄蕭似欲踏波去鴻鵠鵠鵠同裘裏
負杖相從者誰子風韻爭夸小宋美今年通籍直
承明掉頭只欲親甘旨尚書致政歸西陂至尊動
色聞嗟咨乞汝鑑湖寧有斯當令四遠瞻鬚蒼我
來長安去已久公子臨岐一執手搖筆題箋當折
柳爲予問訊平安否

覺羅子晉曩從紅蘭主人餞別海棠院新城

先生以春艸碧色春水綠波分韻見送子
晉揆得綠字已丑冬來都下始蒙惠示大

漫與集

二

篇荏苒十有一年紅蘭久捐館新城亦投

劾歸田矣奉次來韻撫時悼往情見乎辭
投林去已遲何心復輦輟隨計逐飛蓬委荒知斷
木花宮緬咎游天家富羣玉中有瓊樹姿修持類
尊宿墳籍羅心胃翻水無斷續重來撫逝景叩策
悲華屋亨衢有傾軋令人多不淑曰予抗微尚弱
齡好奇服蹉跎齒髮衰寧復銜蛾綠三復瑤華音
久要識存錄

橋南別墅水木幽靚京城勝地也昔嘉禾玉

山諸鉅公時時觴詠於此吳子寶厓邀同

三

雙村貞木偶款園扉主人馬簡亭欣然命
酒卽席限六麻二首

到來幽興慙不負勝流誇斷壑有時漲當門可汎
槎憑欄山曠曉閉戶石谿鈇何意京塵外滄浪自
一家

返照樓陰直行空閣道斜人家環積水鷗鷺占圓
沙綠隱天壇樹香分陽羨茶還期挈壺盍來看殿
春花

微雨鉏瓜圖爲宋檢討山言題

商洛存之子韋平已到孫園常思綠野興偶寄青

漫興集

三

門引蔓抽高架分泉注弱根吾衰謝蓑笠藝植尚
堪論

雙邨坐上聽容郎度曲諸君子倚洞簫和之

戲成六首依來韻

六首
存四

衫幘淋漓似捲波斜街小住酒人多心情老去渾
無賴一曲清歌喚奈何

風微月滿眞良夜觴政花籌屬散人貪就吳儂事

陶寫無端遣我作官身

十年高鳥投林盡一第鮎魚上竹難騰喜墊巾逢

有道衰遲持作顧厨看

別裁僞體聽人嗤時尚樊南陸與皮誰解酸醎殊
嗜好長安小卷畫論詩

曩予在長安與王司寇施
侍讀陸處士有論詩畫卷

高魯瞻通守豪逸強飲席罷以挾諸孫射獵
圖乞題乘醉書二十八韻與之

一騎前導毆且嘶一騎臂隼控不馳後騎綠山山
蔽虧奔騰似欲大合圍中有健者騎指揮不老非
少美髯髭耳後鳴鏑如餓鴟草間狐兔潛狂狂淮
陰登壇一釣師不聞射生能麗龜胥弧插羽儼交
綏借問何如幽并兒卽而從禽緊爲誰渥注之駒
精權奇獸肥草淺同遨嬉有張無弛非所宜秋冬

漫興集

四

射獵春唔伊逐坐宵索栗與梨文人託興聊爾爲
少年何必不軍麾彥升三事了無期騎兵往往登
台司健兒惡馬供鞭笞雲臺慶閣圖墳翁人生快
意當若斯還君卷軸心嗟咨燕市酒徒今已稀和
歌且就高漸離

同年史宮端耕蠟夜過邸舍論詩作

獵獵驚沙淨夜分樵蘇不費坐論文銓連坊曲經
過易月墮墻東笑語聞中秘校書多後輩弱齡同
藉有夫君宮僚不少雲龍侶偏逐滄江鷗鷺羣
自有仙才自不知卻尋樗散理朱絲饒它霧夕笑

葉句底似天壇紅藥詩舊莫黃流沉壁馬初迴炎
海靖蛟螭英蕤一散如秋蒂湯倚殘缸話鳳池時

陸澄成胡芝山
兩翰讀往事

學園圖詩爲查悔餘編修賦

退士慕蠟棲魁儒託山長守道苟不堅變遷隨俯
仰橫谿有真逸謂遠達先生風聲被吾鄰本具煙霞安肯
較尋尺枉脫屣謝巾衫全家入菰蔣素琴常在膝
蠟屐竟幾緇有時招近局自起掉吳榜壁有課農
書兒奉登山杖菊水足延年木奴不責養一味甘
可分太平心有象陸放翁有卷
名心太平依稀三樂全圖畫及懷

漫興集

五

襁我未拜龐公高風緬一往彈指人代遷諸昆各
競爽門庭驟赫奕時復念疇曩飛潛遇則殊出處
道無兩迴憶橫溪隱身後豈臆想我行甫作吏逝
將適雁蕩羅刹衣帶水鹽官亦接壤吏隱當在茲
披圖不吾迂

論詩十絕句

十首
存七

如何結習猶難遣昏夜吟成曉旋忘縱有朱絃誰
激賞小長蘆外止漁洋朱竹垞師自署小長
蘆漁洋王新城集名
但使成家自足垂描摸何用狗時宜試看吳女誇
梳掠矮髻高冠頃刻移

在日堂堂譽望崇支頤柱頰盡趨風驚颺捲簾潦
歸艤依舊流傳只數公

驚才絕艷苦求新僅與西崑步後塵劉白張王元
大雅不聞李杜廢清真

宋體唐音路總寬何須抵掌互譏彈弱毫妄意當
勅敵廝養居然大將壇

文人自咎巧相蒙題品還誰位置公自比鳴蜩聲
響細却無泥滓飽清風

此事由來具性靈鬚眉如寫鏡中形迥然別有蘇
門嘯未許筆琶俗耳聽

漫興集

六

同鍾進士端亭飲月川宅月川初奉差祭告闕里
旋端亭乞其學案書

朔雪南雲雁序分一枝歲晚忽同群輜軒舊歷燕
山徧絲竹新從魯殿聞盛有生徒藏柴几可無醉
墨灑羊裘水魚雪酒方高價坐淡杯戀夕曛

雪後望西山社集分題正
月十九日

馬首西來失翠微望中積素掩瑤畿一冬無雪春
始雪有客曰歸猶未歸插岫俄驚梅盡放因風還
與絮爭飛山遊倘肯朝乘興應少溜塵點素衣

惱風正月二十五日
時有慈仁之約

蓬勃猶驚永夜驚虛傳化國不鳴條突掀竹屋窗

榜破倒捲銅街地軸搖細馬籠鏗疑退鷁小車寒
慢恍乘潮花宮有約寒如蛩愁見春城酒旆挑

子晉以關東食物餽歲報以小詩

舊識天家集鳳臺西園驂乘雅相親還誰自引風
塵外正始黃初一俊人

榜下當年逐斷蓬青袍席帽去匆匆到來重灑花
前淚別院海棠依舊紅

紫禁森沉來往疎清門猶許敝衣裾焚香掃地嚴
朝課白屋青燈士不如

取次驩啣婪尾杯腹腴領臞咄嗟排貧厨暴富休

漫與集

七

相笑分得春盤禁嚮來

用東坡除夕宴集贈段屯田韻

官編修恕堂
宅吟社分題

殘年私自付得失恒相半素無懷祿情寧有積薪
歎不見風中花但充耳目玩飄茵與墜整百年同
一散舊交多老蒼邀我入吟伴歌呼雜俳諧往往
換昏旦覆射時巧中奮憤沒槃案遂忘歲序遷稍
覺履荼亂微雪灑夜闌西山若朝鹽好景逝莫追
天寒出手緩五石挽未能一葉懸難貫誰當走精
銳一鼓師中懦吹律動葭灰應候蜺綬炭取次謁
新年依然眠孤館淡憎被裏裂敢思燕玉暖有時

枯枿春蒸出銅池絮

溧陽谿山卷史宮詹屬題

窈窕平陵郭空明一鏡涵懸鐙開水市欹枕過風

帆

風俗銅官近農桑石屋邊帶經把秧馬選葉餒蠶
眠

柳埭分漁汶松茨急晚春仙雲流片片來自大茅
峰

長蕩湖邊路溪山我舊經谿流蛾子綠山色佛頭
青

漫與集

八

束髮領僊班宮僚亦未閒好憑行看子指點說家

山

爲問投金瀨猶存積水無憐才分置尉可許入橫
圖

琉璃廠觀放風鳶

瞬息已雲霄低昂憑一線笑看兒童忙行人各仰
面

阮澄江司空宴席追述里門舊事感賦

招尋車笠久忘形花下離筵雜醉醒九列聲名高
月旦一時親故散晨星年前竹馬驚華髮雨後茶

香憶敬亭又作牽絲垂老別半綸初綰向東溟

阮公子殿嘉惠詩贈別依韻奉酬

安榴蜀葵紅刺眼小住俄驚物候新遂有文通傳
別賦蚤知遙集是佳人樊南時尚矜纖艷司馬文
章信雅馴知爾趨承家學在詞源奧突探無垠

香山有詠老詩戲効其體時將注選自顧衰
寒還以自嘲

老不與人期昏忘我漸知引書名屢誤問客姓還
疑入夢多亡友追歡異少時從人誇晚健常自憶
兒嬉抖搜陪時彥優俳溷里者三竿巾未裹一飯

漫與集

九

溺頻遺倚樹休筋力當杯拭涕淒淒眼珍西域鏡裏
貴北邊皮方藥呼孫焙中厨藉煩持未紆三尺組
嬾染數莖絲捧檄間當及彈冠笑已遲定僧迎雀
詔老女畫蛾眉撲邀還誰賞紛華豈爾宜釜空難
見巧弦直易求疵人比麀蒙揜吾愁羝觸籬樊英
虛有望殷浩竟無奇蒲柳姿堪念桑榆景暗移螢
光寧遠照麗技肯徒施忽枉山公問還疑侯霸癡
龍鍾應不免縕藉且安之

己丑除夕同鄉諸親舊會集宣城舍館因憶
己未歲除愚山先生改官翰讀亦於是邸

邀同守歲彈指三十年予方偃蹇挂名選
人感舊書懷戲成五言長律二十四韻邀

雙村屬和

萍聚亦成適羈單不自聊兒持椒酒勸童報雪花
飄浙浙翻階乍盈盈著瓦消梅將舒粉纈柳漸驪
絲條情話貪鄉曲歌筵謝遠招宋堅齋少司馬拾微未赴塵沙驟馬
市燈火虎坊橋懸榻思前輩畱髡送此宵擘箋遲

守歲列炬早趨朝斗極聲猶震參旗望已遙流光
堪暫把生事信難料老驥懷千里饑鷹盼九霄羞
蒙子公力拚折督郵腰髻旋徵方染裘常藉鏗燒

漫與集

十

荒倉啖晚晚山鬼笑風騷舊邸三生夢新正百戲
饒兒童顛幕隊蜂蝶開蠶嬌橦索綠竿上門釘結
伴擦燈棚誇匠巧烟火揭霞標喜禁秧歌斷驚添
爆竹驚果筐沿餽餉春帖倩塗描研北無金錯墻
東有玉簫雙打郎有明童能謠曲鴈客肯隨人寂寂共遣夜迢迢近

局逢真賞都忘在客寮明當攜郭隗突兀酌燕昭
顧夢陳兒童以帕蒙其首互相摸索如捉迷藏狀婦女剪綠爲蟲牙形作春勝簪髻謂之鬧蠶嬌橦竿以長繩亘空女子於上掉擲呈百戲即走索也上元夜
女人結伴詣前門撲釘以兆宜男

花朝集忍冬齋月下飲記光春用坡公定惠

院月夜韻記光湖名在寶應縣王樓村修撰宅吟社分題

老竊喜趁文字飲歸踏春泥每深夜分曹作劇徒
爾爲斟量酒户居下中計量字天與吾曹風月佳清

光委地銀濤瀉簷鵲驚栖背客飛盆花出窖寒枝

亞家倚重湖富老春濁醪不過隣牆借色比鷺兒

黃較妍香疑荔子苞初謝選盡嶠崙歷落人朱門

游只如蓬舍未須引轄遮投井時喚移床看舞蕉

酒債詩逋了未期吳綾越綃堆堪怕諸公且住爲

佳耳遲遭醉尉愁訶罵是夕子以途澤先別

大房山牡丹吟社分題

藉卉曾行中頂香雄蠶雌競春陽如何淺綠天

湯與集

十一

紅色偏出優曇選佛場

坑藏火偏出非時荳蔻胎含色早衰何似大房春

信好名花只用露華滋

羅浮香夢圖爲阮司空題

翠巘紅泉寄興微無邊香雪點春衣祗疑海月廻

清照化作仙雲傷闕飛

我聞五色羅浮蝶千里銜蛾鼓翅還一枕蘧蘧應

入夢暗香疎影出雲鬟

章聖可以注楞嚴經圖屬題

髻絲禪榻意何如一卷楞迦萬慮疎笑我龍鍾頭

似雪社拋心力注蟲魚

文字由來佛祖訶談經何意兩曼陀正如秋水餘

零落別解無妨注脚多

題錢蔗山給諫觀山圖

丹崖翠篠石層層官事全稀踏月登一葉雙童搖

槳到不須結束辦行滕

寺閣喧妍泉井甘炎荒風物似江南飛霜不到高

涼境榕樹經冬綠尚酣

輦路風沙眼倦開摩挲清景日千迴此圖便是鬱

林石曾壓歸舟度嶺來

湯與集

十二

南越東甌天一陸舊游不及荔枝時披圖心識潘

州好便欲拋官趁水嬉

寶厓投詩六首追叙昔游依韻奉答六首存二

當年韶麗似初陽二老林居數共觴回首齊東如

隔世龍鍾那不髣毛蒼二老謂高侍郎念東唐太史豹岩兩先生

曾費周郎粉墨塗一時題飾比隋珠直疑妙畫通

靈本猶訊天寒翠袖圖

故鄉僧友峯流寓京師偶過鎮國寺訪之遂

畱旬日適趙東籬郵寄新城續刻蠶尾集

至報以一詩

側足金門傍轆轤不可理聞鐘俗慮清見山塵鞅
止白足世外人亦復念粉梓導我歷岷嶽浣酌玉
泉水林花胥衫袖麥膝藏乳雉即目了無營楚然
亦可喜襲以瑤華音沉沉坐復起遙望國西門門
開競輪軌行吟藉煙蘿一寄東籬子

午日陶然亭讌別詩

主人爲王樓村查梅餘潤木劉西
谷宮趙堂繆湘芷劉大山張匠門

蔣靜
山

亭俯長空翠欲流葭蘆彌望似汀洲華歆只合居
龍尾李益何當占坐頭日下蒲觴還應節醉停金
勒更藏鈎直愁罷酒分南北故戀航船去復留

周時

漫與集

十三

桐野將視學京畿郭雙村
奉命還廣陵子赴甌東

將出都門留別吟社諸詩老

在山泉水清出山泉水濁斯語足三復清濁異所
託我本澹蕩人茲行就縻縛壯縣苦徵求邑小但
求瘼稍開羅陽城遺黎經焚掠重灘激雷鞠峻嶺
如劍削永嘉好山水而此獨險惡脂膏非所希賦
命安瘡薄同心幾宿老後先集館閣幸不遺冗瑣
觴詠猥相索聞予將出宰啓誨比良藥官守有章
程事異處巖壑浮名來衆咻慎勿露鋒鏑再拜謹
書紳鄙性實濶畧今夕共離筵猶得展歡謔依然

文士會惜別桀有作一出春明門高下區官爵即
恐相爾汝未解習唯諾牽絲出已遲鑄鐵竟成錯
去去勿復陳松桂有餘忤

桃花嶺霧行

卓鹿墟嘗述
守嶺時事

故人爲說括蒼嶺今日藍輿度嶺來霧樹黏天晴
亦雨橋亭跨壑畫鳴雷時清未覺巖關險政拙翻
慚百里才洞口桃花開幾度浮甌眞見海如杯

海濱有小山如甌
溫郡以此得名

謁嚴先生祠

先生爲梅
子真婿

停帆一爲薦江離風貌眞堪百代師肯屈故人勞

漫與集

十四

物色果成先世好門楣臨流寧有竿千尺繼響誰
當鼓七絲自是瀧中饒節概西臺高並釣臺垂

謝
阜

羽諸公本主
拉附祠內

予詩作於癸巳春頃閱瀛奎律髓見徐道暉釣臺詩有梅福
神仙者新知是婦翁還家謂未經人道何使事後先違同耶

且圍高公道署之左構有池臺亭閣引觀諸

勝限賦十首

海邦會綏靖行春駕短轅光風汎亭沼新綠俄已
繁何意旄仗下宛若凌丘樊

右冠
綠軒

屈曲循華軒一枝取容膝膝下多風毛好弄唯紙

筆苟無遺世懷不堪寧止七

右尺
室

逶迤行藉卉煙水相延緣初疑百花潭潛通小有

天梯磴有時斷徐看錦纜牽

右不顯花廊

天下本無事擾擾孰能詰居然列仙儒悠哉調御

室四序任跳丸此中無得失

右養恬精舍

種樹須百年棲居只如賃暢意非外求垂簷借隣

蔭清光悅魚鳥分綠上衣衿

右藉樹樓

綠淨不可唾人影落明鏡想見熏風時朱荷挺千

柄唯有林端月招呼了無競

右喚月榭

人在水精域天開白玉堂琴書既靜好退食同倘

徉笑指右軍池何假謝家裝

右鑑正堂

漫興集

主

南枝方破臘凍雀已呼春東閣詩無敵羅浮夢有

因翠屋紅泉裏窺檐日幾巡

右梅屋

高齋紀寶晉幽尋想清閼芒芒大九州遊目亦畧

備斜臨華蓋山俯瞰江心寺

右畫佛閣

紛葩藏曲折步履迷所向方流與負沼面勢各殊

狀本具丘壑懷經營殫哲匠

右倚玉亭

江心寺

孤嶼浮空倚郭門薄游呼伴趁晴暄荒祠正氣留

文卓老樹叢林識宋元街尾樓船元海國江心壩

火自朝昏迴帆笑指中流石已見春潮沒舊痕

露坐船尾卽事

輕霜臘日三冬暖東峽奔湍十里聞著處村春支

水碓旋編籬柵拒山君波心小鳥翻如葉松頂藤

花白似雲苦壓低蓬妨出入儘拚露坐至宵分

奉委勘山同鄭參軍歷險幾殆

界道奔湍雨後多真從人面起嵯峨單車升降千

夫力一水彎環十渡過出險始驚全性命垂堂淡

悔負煙蘿少游歎段行堪念蝸角羊腸奈爾何

華蓋山謁雙忠祠

溫處道陳升亦諱忠毅永嘉今馬環贈大衆

此地曾經漲海氛我來重弔戰場文驚心混濔魚

漫興集

十六

龍氣指點微茫島嶼分已信儒臣能報國轉憐倉

卒未成軍從來合傳推張許雙廟東嘉異代間

修船謠

出洋資戰艦靖海稟廟謀泰雖屬海疆去海道阻

修不知始何年派修同東甌程工有嚴限不得久

需雷巨樟大十圍裁可充梁頭比年砍伐盡挾匠

窮遠搜瑣屑事非一灰鐵樓麻油縛茅蓋船廠物

料紛相求纖細苟不具移書被譴尤材良不道好

畏口還致賕土瘠事難集不與壯縣倖銖兩責之

官時艱民亦偷孤城嵌穹谷嗟呀環四周鳥道上

青冥船成出何由借問萬斛舟能行山頂不

閩粵薄耕稼生身習檣艣其人難門稽其地易水

聚五月南風興揚帆襲商賈海舶富金繒海客善

鎗弩殺傷時相當終不免掠取非無巡汛師對之

肆輕侮頃邀寬大恩盜魁稍就撫神堯大奸生安

插使歸伍庶幾海波靜疲瘵獲安堵昨來傳郵符

迅疾插飛羽颺風所碎船仍飭文吏補事在上年

春予未踐斯土竊聞船由壞非關載軍旅既往難

重陳吞聲敢言苦執役分所當當今方右武

側聞九卿議船工准部頒歲修給公帑有司胡告

漫與集

十七

難九閣未云遠牙門易為茲投牒再三謁十謁九

空還即使無空還名存實則刊江程千餘里一去

難重攀置之需後圖悉索劍與環趕繒及犁船其

名難無端最小雙篷船小修亦百緩官新吏愒情

督造初不嫻宛轉屬代理傾索誰能慳有挾價愈

高求者咸低顏迫促故掉首大吏方居間功過一

體均得請始無患乃知戎幕尊縣官今實辱

冠綠軒夜讌呈且園公二首

甌括雄藩特簡臨華鐙曲榭水雲淡自憐短翮安

叢薄何意高梧許息陰風月樓臺庾亮與賓僚絲

竹謝公心欲舒 睿慮憑樽俎指顧能銷漲海祲

時海洋盜
應就撫

官方治譜總吾師不獨通神翰墨奇

舊邀投分早題名翻怪出山遲

清班重蓋代聲華禁藥知惠澤和風藉沾拂肯移

水雪負心期

灘舟口號十二首

將船住高岬昏黑候潮開認取飛雲渡鳴鑼又一

回

沓嶂曲還曲高灘重復重舟行磐石上人坐浪花

漫與集

十八

中

猶記殘春雨停橈候漲消空盤蓬底餘相趁採山

苗

白鳥立牛背禽牛兩不猜忘機真羨汝百慮為誰

來

圍碁聊遣日偏側坐難安祇憶吳船好蓬窗位置

寬

溪水碧於染灘沙白似銀雨餘溪漲發愁殺上灘

人

前峰將吐日絲雨忽沾衣高枕潺湲過一聲啼竹

鷄

掀蓬閒騁望安危靜可推溪魚閒自躍不悟鷺鷥

窺

暝行催滅燭生怕亂溪光勝有流螢火羣飛照夜

行

坊前在何許猶隔衆峯西前度看新筍今來萬个

齊

游目亦成適沉吟計總非從誇林壑美何似舊漁

磯

羅陽信天末消息斷杭州煙水紛愁思人言是宦

漫興集

十九

游

中秋夜使院觴月

開學胡荆門出紅毛酒勸客

鈴柝繚垣棘院淡金波玉露夜沉沉但逢浣女皆

傾國敢謂琴師自賞音遇主文章今日事困人場

屋簷年心笑持洋酒酬佳節桂闌天香尚可尋

杭城內鑿渠一道將通湖上

徑欲穿濠出葑湖取次開高峯自南北初地更池

臺旋補蘇堤柳猶尋處士梅恩波逮魚鳥應望

翠華來

高千山約同吳秀三張玉澗湖舫尋秋

彌月西陵住奔超祇自憐且乘束帶暇齊上汎湖
船地引尊鱸與晴占橘柚天孤亭聊延佇野色正
蒼然

九日湖心亭公讌胡修予閣學薄聿脩編修

時分校十六人江南居其九

空翠行相引湖光一鏡涵佳名愛重九酒伴半江

南水石開宸幄香燈盛佛龕官身來不易幽處

更須撥

歌舫

歌舫四時春金錢費水濱回中閒候吏天上許遊

漫興集

二十

人泉入離宮暖花移震澤新長隄牽纜者指點說

南巡

湖汎不及至冷泉亭

幽尋時不及靈隱最知名松月宜清夜泉亭非世

情雅能參賞會未解學無生去住分游侶昏鴉催

入城

岳墳

已畢一生事何妨七尺捐人誰能不死我尚憤當

年北伐無堅壘南枝有墓田榮名自終古長腳轉

堪憐

魚樂處

風定穀紋細日斜虹影歆喜看魚大上樂美爾無
知翠帶牽絲滿紅裳受雨披悠然從此逝暝寺有
前期

淨慈寺

奉勅重建有御製碑文濟願運木并聖蹟也項為修造所掩

焦原火太頻又見法輪新雲構仍丹壑奎章下紫
宸如何布金者翻遣聖泉湮騰有雷峯塔蒼顏閱
世人

座主朱竹垞先生奄化未久聞曝書亭遺集

雕鐫未竟賦東中丞鹿公千山繼文諸同

湯與集

主一

年

薇垣一夕賈寒芒掉鞅詞林八十強小友呼曾援
孔李大賢門喜出歐陽沙隄舊業餘書帶經籍貪
鈔富石倉肯使遺編就零落未應荒盡陸家莊

奉輓阮亭先生

投老休官百慮輕支床未忘著書名新編脫手都
人誦舊物還卿聖主情仍襲金貂光奕葉俄驚
樞馬實星精只應灑盡單寒淚多少儒紳屬獎成
前數月奉命復公尚書舊秩

論詩往事憶長安投分忘年似舊驩豈有驚才傾

沈范獨持文柄擬蘇韓崇班歷偏孤標著伯仲齊
名清論完夙諾未尋今已矣一開短札淚先彈

昔竹垞師許序予集諾之三年輒題五古四

韻於卷首適當其戒裝出遊未暇命筆也

今吳子臨原送予還東嘉乞弁其集予方

倚杖亦先報一詩俾後人知以詩代弁自

長水夫子始

文豈有准格鑒別偶然耳菰蘆有此人得之良可
喜贊予秋實詩托物妙比擬如行茗雪間煩襟浣
清泚比以有韻言屬惠亡人謫用釋騎省哀重申

湯與集

主二

漆園旨詞場亟替人青眼望吾子短垣予及肩恨
不見長水

灘舟謠

前溪新水生一夜高一丈鳴金齊緯夫纜折那得
上

下水一日程源流行七日十步九推船舟子水中

立

嶺行雜述

何年龍戰野古渡至今名雷雨不礙道高低秋水

生龍關

下嶺如縋井上嶺若升天農田在峯頂處處足流泉

諸同

細溜綠崖轉僧厨覓水香布金稀過客生計仰蜂

房

茶亭小憩

險仄吾經慣心悲民力勞往來空屑屑無計補秋毫

陳代嶺半有聲出樹間清徹林表詢諸與人謂是林蟬究不知何物也

林響劇清越蟲聲定鳥聲依稀行蜀道山子強相

名

王司寇蜀道集有山子號啼黃葉中之句疑卽此

湯與集

三

靈芝堂尋舊相國張羅峰先生題壁不得

一行作吏那堪論終歲荒塗已七奔宿雨晚霞陳代嶺水田煙寺苔岡邨草衣街子燃雙炬變棧門生舉一樽試覓羅峰題字處紗籠薜蘿已無存

周生王旭爲其父殉義乞詩

決策初無覲苟全臨危慷慨說當年心知日昃戈難挽誓與城亡軀果捐報國幾曾關祿食成仁端不待文傳遲予作吏追憑弔爲賦招魂慰後賢

斯人

萬事故難料斯人竟若斯盛名常不免上第亦何

爲誰復矜崔浩虛傳放趙岐金鷄方肆赦泉路已難追

寄慰高干山

太職亦何憾所嗟功罪懸潔身元自許強項幾人全分宅依高弟還山少薄田曰歸吾未得念爾益茫然

花竹嶺

結宇層岡上林梢曲磴排傳聞發溪漲時復浸荆柴迸岸虬根露崩沙錦石埋經過頻繫艇未得試青鞵

湯與集

五

雨過陳岱嶺雲霧晝晦

峻嶺行天半流雲拂憶飛雨昏迷去路霧重溼征衣識險難迴馭居卑賦命微昨朝山有信一味寄當歸

發永嘉至仙巖舟次卽景

平蕪綠漲天津市接人烟寺帶樟楠樹籬圍柑橘田新霜猶穫稻亂水曲通船婚嫁喧簫鼓村邨樂有年

仙巖觀瀑

壬寅九月五老峯下飛泉三折而下蜿蜒如白龍真奇觀也今得仙巖瀑相髣髴屈指四十年矣

猶憶重陽日高探三疊泉匡山遊不再福地此尤